

壽陽縣志



光緒己卯續修

壽陽縣志

板存受川書局

續修壽陽縣志序

郡邑之有志猶國之有史所以備稽攷而資政體寓勸化而維風俗其系甚大豈僅俾後之人徵文攷獻視為掌故已哉壽邑志自乾隆間前令仁和龔君岷山續修後攷覈精詳體例嚴密固已秩然美備顧迄今又百餘年其間名物之沿

壽陽縣志

序

革俗尚之變遷與夫孝友節義傑出者流苟無載筆記之悉使湮沒弗彰將何以為來者勸是則志之不可不更有以續之也審矣歲己卯湘潭爵宮保曾公來撫三晉徧檄郡縣一律補纂爰自己卯迄壬午歷前任馬君家鼎賈君成霖越數年而續始成當志之垂成也

余適攝篆茲土庸為督勸竣厥事  
凡志體裁略仍襲舊不過增所當  
增補所當補並取所謂足以資政  
體維風俗者云爾至經營采訪執  
筆纂修暨楮墨剞劂壹是所需咸  
出邑士大夫手於予何與焉維予  
不敏既無實政有加於民又無才  
識如龔君之足傳後世乃會逢其

賜進

盛樂觀是志之成俾得蚤名其間  
蓋亦予之深幸也夫  
光緒八年歲次壬午小陽月朔日  
士出身署壽陽縣事武安白昶謹

龔志序一 原序八篇茲錄其三

披覽圖志與讀史相表裏者也而一州一縣咸各有志俾沿革山川見歷代史者於此可稽因以近察政之體要民之利病故非通古今明吏治則撰次概不足觀歲戊子余奉 命撫晉壽陽尹龔君來謁知其有學且

克敬其職也壽陽於春秋馬首邑漢榆次東境縣之設起晉太康中迨元魏氏省入中都徙其戶於大陵城南置受陽縣蓋其時兵燹之餘荒蕪爲墟矣隋名魏所別置爲文水縣而復晉舊縣曰受陽唐貞觀十一年改受作壽始符昔日迄於今不異然新舊唐書受壽參差互

壽陽縣志

序

見讀史者莫之能是正壽水控引山谿逕縣治南水北曰陽是以納稱焉其水南入洞渦洞渦者同過也魏收地形志同過水出木瓜嶺一出沾嶺一出大廉山一出原過祠下僅臚四源繼云五水合道故曰同過今是水導沾嶺爲正源左合南谿水導木瓜嶺之源也過壽陽而西塗水出大廉山塗谷南來會之原過水北來會之塗水春秋時以名邑四源之外最大者壽水纏絡四源適中地魏收獨遺之酈道元注水經謂之黑水二子距西晉未遠於壽水俱不聞又况生千百餘年後欲稽古畢得用訂史籍訛文誠匪易易今龔君繕其新纂志稿

請余序其書嚴體例精考核凡舊時相承襲疎失必詳舉確有證實如謂隋開皇迄唐貞觀是地名受陽凡四十有八年又魏書神武郡寄治并州界莫識所在茲訪求得之於縣西北二十里猶名神武村更撫李吉甫元和郡縣圖志神武故城繫壽陽縣北爲證舊唐書言壽陽武德三年屬遼州顧景范方輿紀要亦踵其誤茲訂以武德三年置受州領孟壽陽二縣遼州同是年置領樂平遼山平城石艾四縣辨遼州乃受州之舛元史河渠書治河卽漢書上艾之綿曼水水經注云上承桃水縣東南二十里桃源溝是也桃或作洮遂傳合左氏春秋臺駘宣汾洮茲則訂以司馬彪云洮出閩喜兩不相蒙大致精審類如此縣轄二驛當西路達 京師衝要而龔君爲縣餘暇於境內有關施政資稽古者周察不遺奉是心行之勿怠以漸適於治理仰承 聖天子命官分治子惠元元之至意其亦若斯之盡其學敬其職不敢或苟也夫

乾隆三十五年膺月撫晉使者鄂寶撰

龔志序二

余宦遊秦晉視篆所至於地方風土山川人物必徵諸志乘以備考證而於他州邑志尤殷勤搜羅所閱不啻

壽陽縣志

序

二

數十種獨王九思之志鄔康對山之志武功簡嚴精核最爲愜心後之續纂者亦未敢擅爲更竄別原書爲前志而以續纂爲後志蓋二百餘年來鮮有儷焉者也仁和龔君岷山作宰壽陽於廢墜修舉之餘兼有事於邑或考壽志康熙十一年暨五十六年邑令吳祚昌李敦修後距今將六十年其間因革損益代異時殊起而增尊之宜亟亟也辛卯春緘眎抄本謂余同事一方不可無言夫志之難久矣憚於稽古者治革山川踵譌龔謬不解攬摭蒐討昧於證今者建置田賦因陋就簡未能條晰貫通往往古蹟則前後敘述牴牾今制則賦役色

壽陽縣志

序

三

目糾紛求其確有證據犁然明備不可多得今岷山於縣志受陽壽陽之參互洞過桃水之源流亦旣根踞史傳考核糾正如彼而廢廩郵驛之繁瑣金穀徭役之變更人所據案眩懣難以終日者又能鑿鑿言之如數家珍如此於以徵疇昔之究度本實心以行實政爲當世有用之材非如書生紙上空談僅詡博識而已余學殖荒蕪屢膺編纂之任宜川隴州應州諸志蓋嘗兢兢致慎不敢詳於古而簡於今岷山是書發凡起例非苟作者而星野之渺茫八景之鄙陋獨毅然削除尤與余諸志脗合世之讀者視康王之志鄔與武功爲何如也

賜進士奉政大夫知山西平定直隸州事加二級紀錄  
二次南豐吳炳撰

龔志序三

余少壯雅游足跡幾半天下自吳越而燕齊而三楚舟  
車僕僕每於所遇山川人物風俗謠歌輒思考覈作爲  
掌故以自比於楊子雲橐筆載方言之例顧以作客羈  
懷事非己責亦竟未有成書歲丙戌成進士筮仕來晉  
卽聞壽陽爲燕趙秦蜀咽喉衝要特甚而向係簡缺心  
竊疑之是年大中丞彰公悉心籌畫果 題請改簡爲  
繁而遴余以莅茲土下車之日覽疆域之廣輪覓土宜

壽陽縣志

序

四

之肥瘠稽盈虛見其俗僕茂質魯所謂唐魏遺風猶有  
存者蓋深幸政之易成而猶憾夫掌故之未備也爰於  
簿書之暇緝閱舊志雖肇修於前令吳君繼續於李君  
而體例多所未符記載亦近荒略且相隔五十餘年事  
實更懼湮沒篝燈五夜伸紙握槧自治革疆域以至藝  
文爲目二十有六彙爲十卷其間蒐羅銘篆博訪耆舊  
不遺餘力微者顯之幽者闡之庶秩秩乎有可觀者矣  
且夫作志之法上同於史龍門扶風稱極軌焉惟是史  
則自表志外紀傳皆寓意褒貶而志乘獎善諱惡與史  
殊科長短之義也然猶不敢自是必衷諸輿論而後登

之以隱富夫開獎鼓舞化民成俗之意我 國家重熙  
累洽於變之休超軼千古况壽陽去 京師千里沐浴  
最近苟能羣勉其所可志而深鑒夫所不可志則他日  
輜軒採風上之內史夫非猶是唐虞之俗也哉是編也  
出自一手爲日以百計蓋舉余生平游歷時所欲記而  
未成者移力於此故脫稿頗易若曰才曰學曰識自矜  
三長則滋愧矣乾隆三十四年十二月

賜進士出身壽陽縣知縣仁和龔導江謹識

吳志序一 康熙壬子武全文

今年秋邑侯潼陽吳公重修壽陽志成梓之日緘一冊

壽陽縣志

序

五

示予若以予祖貫壽水宜一寓目者予對邑人言索志  
於今日成志於長吏手亦大難今日何地無長吏何地  
無志按部徵之舊帙新編纍纍者棟不勝充再覽焉匪  
苟簡則填砌耳是固非作者不能卽有能者率終其任  
策縛於功令催科不已盜案繼之獄訟文移奔走迎送  
又繼之爲令者心目交營筋力孔憊求一息得弄柔翰  
弗遑也會少暇亦退食暫息肩焉足矣而急功名愛身  
家者方皇皇爲彌縫計爲陞遷計爲悅親知貽子孫計  
誰則肯殫精研思作地方迂闊事然則居今日而舉邑  
志程長吏較三者之中以爲大概不能者十之三不遑

與不肖者十之七今言志若易然猶何故邑人曰君固  
壽人胡不聞吳公狀公下車僕素簡易如寒士然每日  
出見錢數十向市上買豆腐蔬菜三兩筋入衙齋和粟  
米飯啖之慮小民之弗若於訓式於政也自製恆言時  
爲演說有爭訟者卽令約長諭解之平焉則已征輸不  
差耗爲之期而與之約各自封識納櫃中令一無所與  
也以故三年來邑遠近若不知 朝廷有命吏云公則  
徐徐理絃誦親文墨手取舊志或輯或釐俚者易紊者  
序闕者補之向所謂不能不違與不肖三者皆出公意  
量外而志乃裒然告成蓋不見其難而樂其易並非有

壽陽縣志

序

六

意緣飾博一時文章吏治名予聞其言曰質哉邑人不  
濫詞書諸冊以俟後此之采風者

吳志序二 康熙壬子趙宏化

康熙十有一載邑侯吳老父臺纂修壽志告成因以一  
函寄密予於公餘之暇披而讀之見夫煩簡適宜去取  
各當旌貶弗淆確乎如岳峙淵停之不可易始知公之  
才不特優於政事而文章更爲當代第一也予自莅密  
來蓋六載於茲其殫心竭力既勤且久然不過與十數  
胥吏籌刑名較錢穀區區案牘之餘不暇及也况壽之  
民驚驚好訟頑梗不率壽之士曰流鄙糜化導維艱且

冠蓋相送迎送絡繹征比不前輸將竭蹶其他如緝逃捕盜遞馬役車諸務尤吏所攢眉皺目惡聞厭見者也值此衝疲之域即使龔黃執政召杜宣猷將惴惴焉補掾之不暇矣又安能於戴星之際編風紀俗作此考成不及之間事耶乃公則建義學葺聖廟籌民房與修邑志一時並舉而厥功無不立就於是知壽之志賴公以修而公之德實因志以彰矣故讀祈旱之章如見其格天之誠焉誦驅虎之文如見其服物之仁焉咏八景次昌黎諸詩如見其惠中秀外之風流焉豈但載山川詳物產紀人才補六十年待修之闕典哉嗚呼志以時續

壽陽縣志

序

七

俗以人移後之牧斯土者甯無有感於斯志

吳志序三

康熙壬子霍肖韜

方輿之有志也其昉於虞夏之世乎禹貢一篇凡山川土田貢賦物產莫不詳搜備記而夏治以成則志而書矣暨商迄周太史氏以士女歌謠上於天子而十五國風著焉則志而詩矣然其後政教不無修改風俗不無移易人物不無變遷都邑不無更置苟非有人焉採摭風土彙爲一書以昭示來茲則天下後世因而無所徵考者不知凡幾矣况彈丸僻邑輜車之所不至遊覽之所不及其間生齒若何人材若何物產險要若何其湮

沒不彰而考稽無藉者又可勝道哉甚矣志之不可無也壽志自明季神宗時一增修之再傳而啟正不祀遺文莫續及我朝定鼎其初兵火歲歉吏苦供應不給而縉紳家率絃誦弗事未暇著作於是六十餘年之所待修者幾聽之淪亡矣嗚呼一西京也孝公之汧渭則非復文武之豐鎬矣一東都也平王之遷洛則大異周旦之營洛矣苟其因仍舊牘修輯弗加予恐遲之又久文獻無存將有欲爲諮訪而無從者爾時卽欲纂集成帙又何能以耳目之未經據爲傳信也耶甚矣志之不可無而修之不可已也康熙七年冬我邑侯吳公以南

壽陽縣志

序

六

國名儒來令茲土於莅政之餘翻閱舊志見其殘缺固陋卽欲取而補修之然以民生未遂方事撫綏不遑驟舉暨四載而訟平賦理政簡刑清壽之民熙熙然有更生之慶也因慨然曰邑之有志所以載民俗紀政治也可令數十年之待修者聽其存亡哉於是訪之故老考諸傳聞補漏拾遺芟煩就簡登之梨棗而志書聿觀厥成焉然予則不能無望矣壽邑密邇沙漠唐鎮跋扈迭隸五姓宋統南遷偏處遼金至元明繼起數百年間復人文寥落著述無聞則志之未成或亦地使然與然龍門以司馬而著廬陵以歐陽而彰使自茲以往有能翹

然特起以作史才續一邑誌則繼我公而興者是在士大夫矣嗟乎治亂不常微文待補獨司牧職也與哉

吳志序四 康熙壬子吳祚昌

志何爲而作乎一邑之山川於此得考焉風俗於此得徵焉戶口之盛衰賦役之煩簡於此得悉焉而又某爲鄉也賢某爲宦也名人物貞淫可以得勸誠焉則志固一邑之史也余不敏承乏壽土見舊志詳簡未甚合宜始末類多紊亂其爲豕亥魯魚又無足論已且入我朝來竝未繼起而修明者倘更世遠人湮後之君子亦將何以備參考定折衷乎因慨然念曰是予之責也遂

壽陽縣志

序

九

於簿書之暇博訪延咨刪繁訂謬手自釐定間并得故衿聶子次并未成遺稿多所採擇用是簡而實周以詳冗雜者清遺缺者補增新續舊不虛餘力而一邑之山川風俗戶口賦稅鄉賢名宦人物藝文莫不犁然具備庶幾瞭若指掌焉謂之有徵殆亦信然若夫握湘東之管構司馬之文則以俟後之作者時參訂者同賢書霍子渭先而校閱者則庠生安子吾仁也合并志

纂修職名

鑒定

前署壽陽縣知縣 馬家鼎

前署壽陽縣知縣 賈成霖

現署壽陽縣知縣 白昶

監局

現任壽陽縣教諭 尹端儀

現署壽陽縣訓導 柴端本

總纂

舉人 張嘉言

壽陽縣志

職名

一

前任澤州府教授 鈕增堯

現任吏部右侍郎 郝世長

參閱

現任潞城縣教諭 溫晉昌

現任鳳臺縣教諭 霍樹鋈

分纂

陝西卽用知縣 張鑑衡

現任工部主事 安平太

舉人 李銘西

總理兼分纂

舉人

要守緒

校對兼謄錄採訪

廩生

趙懷璋

廩生

李鳴鸞

附生

秦九經

增生

王承麻

僧生

榮樹藻

採訪

副貢生

聶元鏞

副貢生

蘇寅春

壽陽縣志

職名

二

恩貢生

趙曰楣

現任潞安府訓導

劉予琛

恩貢生

聶蓉鏡

歲貢生

郭志謙

廩貢生

史殿俊

廩貢生

李夢齡

廩貢生

潘承麻

附貢生

李煥新

附貢生

李長慶

附貢生

趙守誠

廩生

李夢筆

廩生

孫懋官

廩生

郝濬源

廩生

傅汝霖

廩生

王賓光

廩生

弓祚昌

增生

侯桐

增生

張桂森

增生

邢開先

增生

白遇清

壽陽縣志

職名

三

誥封五品銜

安吉第

考授直隸州州判孝廉方正

王植槐

候選州判

胡聘之

附生

陳子顛

附生

于鴻漸

附生

霍鏡濫

附生

王震鳴

附生

王協中

附生

郝夢齡

附生

郭汝駿

附生

趙鴻圖

附生

陳子俊

附生

馬膺選

附生

龐潤生

附生

郭晉亨

附生

李九標

附生

牛光漢

附生

劉鑑藻

議敘

五品銜

郝育財

議敘

七品銜

郝融

壽陽縣志

職名

四

議敘

鹽知事

李映芝

議敘光祿寺典籍

張履和

議敘從九品

郝蔚

耆賓

胡獻瑗

佾生

潘久敬

童生

郝泗濱

童生

聶定本

附生

王敬業

附生

任沛恩